

國朝宮史續編

國朝宮史續編卷之十三

典禮七 盛典七

皇帝萬壽元旦冬至三大節慶賀儀

臣等謹案前編於每歲元正

上御殿受朝並

萬壽聖節令節行慶諸儀均經臚載查會典每過十年

國慶則有朝會宴饗之禮恭逢

聖壽正慶之年亦豫於元日舉行筵宴仰惟

高宗純皇帝於雍正十三年乙卯九月初三日

御極時

聖年二十有五以次年丙辰為乾隆元年每至紀年

逢五則為

聖慶紀年逢十又為

國慶由是周甲紀元每十年一次朝會經禮臣題

請依例舉行至祝

釐盛典必俟

聖壽八旬始

允臣民籲請忝舉

上儀謹按年恭輯

聖諭並

聖製詩什以鋪闡

鴻庥垂諸奕禩

乾隆二十七年正月元旦

上御太和殿王以下文武大臣官員暨外藩使臣等

進表行慶賀禮如儀

儀具前編

至三十四年皆如

之八月十三日

萬壽聖節

上駐蹕避暑上莊

御澹泊敬誠殿扈從王以下文武大臣官員暨藩部  
蒙古王公台吉等行慶賀禮在京王公大臣  
於

乾清門庶官於

午門行禮至三十四年皆如之十一月冬至次  
日禮部照例題請

御殿得

旨免行禮 二十八年十一月冬至次日

上御太和殿王以下文武大臣官員進表行慶賀禮

如儀

儀具前編

二十九年十一月冬至次日免

行禮 三十年十一月冬至次日

上御太和殿王以下文武大臣官員進表行慶賀禮

如儀

儀具前編

三十一年十一月冬至次日免

行禮至六十年皆如之 三十四年八月丁

巳奉

諭旨前者朕五十誕辰恐直省臣民有啟經壇立碑

亭貢獻稱祝之事或致糜耗物力曾豫飭禁止之  
明年八月屆朕六十正誕意中外耆庶必有以周  
甲聖節非五旬大慶比欲申祝釐以抒愛戴者情  
固難卻而非朕心所樂從用是明切宣示朕臨御  
三十四年以來承

累洽重熙之盛海宇乂寧民氣恬樂復仰荷

上蒼眷佑連歲屢豐方思上答

鴻庥宏敷闡澤以嘉惠吾民益臻熙阜國家之瑞莫  
大於此且越歲辛卯即恭遇

聖母皇太后八旬萬壽

璇闈慶典亘古稀逢朕將率天下臣民臚歡舞綵敬  
迓

慈禧自當聽衢巷謳歌共展

尊親之義又何必因朕躬慶辰頻年祝嘏多此繁文  
縟節為哉其布告天下咸體朕意一切仍遵二十  
四年所降諭旨不必舉行各省督撫亦不必以來  
京叩祝為請並不必進奉珍玩及綢緞表裏等物  
至在籍大臣中如尚書沈德潛壽屆期頤錢陳羣



亦年逾八袞不宜復以遠涉勞筋力已諄復傳諭  
令其無庸親詣京師叩祝俾黃髮耆臣領袖江鄉  
父老携杖呼嵩為熙朝盛事不亦美歟著將此通  
行傳諭知之 三十五年

聖壽六旬正慶正月元旦

上御太和殿王以下文武官員暨外藩使臣等進表

行慶賀禮

頌恩詔中外禮成復

御太和殿賜王公臣工等宴四月戊辰奉

諭旨本年為朕六旬慶辰中外臣民咸有以周甲聖  
節籲請祝釐者雖出愛戴至誠但崇尚繁文必至  
耗糜物力朕心不以為然昨歲已明降諭旨豫為  
飭禁令據高晉奏稱江南士民擬在該處各寺觀  
建壇奉經演戲稱祝者殊為未喻朕旨朕臨御三  
十五年以來祇膺

昊蒼鴻春寰宇乂寧民氣和樂惟期推仁究澤嘉惠  
海內元元益臻康阜國家上瑞莫大於是况歲屆  
辛卯即恭逢

聖母皇太后八旬萬壽朕將率天下臣工耆庶舞綵  
臚歡敬以迓

慈禧而降慶典若因朕躬誕辰頻年稱祝致令多方  
豫備朕心實所不取該督等誠切呼嵩屆期祇須  
率領官吏紳士於萬壽宮照常行禮慶祝已足共  
抒忱悃所有建壇演戲等事概不必行高晉既有  
此奏恐他省亦有似此瀆陳者實非朕所樂聞著  
再通行明切曉諭俾咸體朕意毋有所請閏五月

丙辰

諭今日各部旗大臣等具奏以本年為朕六旬慶辰  
請於御園預備稱祝所奏不必行園中地本不寬  
勢難令文武大員聯班並列且越歲辛卯即恭逢  
聖母皇太后八旬萬壽普天慶洽朕將躬率臣工舞  
綵臚歡用以敬迓

慈禧宏敷慶典九卿等屆期自可共抒忭躍之誠若  
因朕躬誕辰頻年稱祝為此無益之舉實非朕所  
樂從昨歲恐中外臣民因朕周甲聖節籲請建設  
經壇延釐祝嘏徒致耗糜物力已明降諭旨豫為

勸禁今復思大臣中有因萬壽備物進獻者伊等  
身膺顯秩藉此以申忱悃原非過分但亦當予以  
限制如內而大學士尚書都統外而總督巡撫尚  
可允其奏進其在京侍郎副都統以下並外省提  
鎮學政藩臬等人數既繁若紛紛呈進在諸臣既  
徒事分心購辦進覽時朕又增檢閱之煩甚無謂  
也所有伊等豫備之處概不必行並飭奏事處毋  
許傳進朕臨御三十五年以來夙夜孜孜圖治惟  
期推仁究澤嘉惠元元於以仰紹

列祖貽麻祇膺

昊蒼鴻春其所厚期於諸臣者惟能以朕心為心以  
國家為事愛養黎庶整飭官方行之以實心實力  
使綱紀愈以肅清海宇益臻康阜其視崇尚繁文  
縟節冀為朕躬稱慶實為遠勝况將來由七旬八  
旬而上晉表益高原可俯順羣情俾抒誠懇正無  
藉此時之喁喁叩請為也用是明切宣諭知之八  
月癸未乙酉

上奉

皇太后幸壽安宮侍早晚膳賜宗室王公內廷大臣  
及諸外藩回部伯克等宴丙戌

萬壽聖節

上御太和殿王以下文武官員暨外藩使臣等進表  
行慶賀禮如常儀

儀具前編

三十六年正月元

旦

上御太和殿王以下文武大臣官員暨外藩使臣等  
進表行慶賀禮如儀

儀具前編

至四十二年皆如

之八月

萬壽聖節

上駐蹕避暑山莊

御澹泊敬誠殿扈從王以下文武大臣官員暨藩部  
蒙古王公台吉等行慶賀禮在京王公大臣  
於

乾清門庶官於

午門行禮至四十一年皆如之 三十八年正

月壬辰奉

諭旨元旦陞殿受賀在朝百寮及外藩陪臣例應以



次分班行禮乃昨日朝臣班行禮畢階下已贊鳴  
鞭詢之禮部據稱高麗安南兩國陪臣已綴朝臣  
之末為一班行先期曾開入儀注進呈是以未經  
另摺具奏等語典禮專司不應顛預外誤若此上  
年冬安南陪臣到京該部曾經具奏綴朝臣之末  
一同行禮此係隨時陞殿謝恩朝臣員數多寡本  
無一定不妨因便帶領朝見若元旦正節大禮攸  
關中外觀瞻所屬藩國陪臣豈可與朝臣班聯參  
錯並無次第向以藩服來朝者眾若一一分班臚

贊未免需時曾命於朝臣班外將諸藩統列一班  
今該部乃並此一班亦省入朝臣之班更不特摺  
請旨朦朧列入儀注內夫所進儀注特係歲歲常  
行刊板不移之規則朕臨御三十八年以來禮部  
所進儀注皆躬親素所熟嫻即過

壇

廟大祀於一切儀注亦不過舉手加額用展誠敬其  
間儀文次第原無待逐一更為檢視也元旦衆臣  
朝朕之儀何用朕披覽將以朕之未經檢視儀注

為不能勤政可乎如六曹奏牘本多內戶部刑部  
之事尤為殷劇其題奏之案朕惟就其有關節要  
者悉心斟酌若錢糧名目字數案件彙結姓名又  
豈必逐一研討而後定其進止耶况專務於此無  
論日不暇給並慮逐其末而忘其原大非慎憲勅  
幾之道於政要又復何裨禮部堂官等以似此朝  
會鉅典於常例有所增損之處不為妥議專摺請  
旨轉以列入儀注為辭恐將誰諉著禮部堂官明

白回奏 四十二年八月

萬壽聖節停止朝賀四十二年如之 四十三年正月元旦停止朝賀四十四年如之十月大學士管兩江總督高晉等奏請於四十五年

聖駕南巡俯順江浙臣民望幸之誠就近舉行

皇上七旬萬壽慶典得

旨朕本意以庚子年為朕七旬慶辰越歲辛丑即恭逢

聖母九旬萬壽斯則數天同慶自當臚歡祝

嘏以抒萬姓悃忱今既不能遂朕初願尚復何心為

已稱慶况朕蹕途所經老幼歡迎扶攜恐後未嘗  
不顧而樂之若經棚戲臺侈陳燈綵點綴紛華飾  
為衢歌巷舞深所不取且非所以深體朕意也不  
特江浙臣民不當為祝釐之舉即凡內外大小臣  
工於朕七旬萬壽時亦不得請行慶典以及進貢  
獻詩若伊等謂欲藉以申其尊敬之誠是轉增朕  
心之不悅尚得謂之忠愛乎但天下士民遇朕七  
旬萬壽皆不免望恩俸澤此則情理之常朕亦何  
肯因不舉行慶典所靳恩施乎著於己亥年八月

舉行恩科鄉試庚子年三月舉行恩科會試以彰  
壽考作人之盛至各省漕糧曾於乾隆三十一年  
普免一次茲蒙

昊蒼眷佑累洽重熙朕敬體

天心愛養億兆用是再沛恩膏著於庚子年為始復  
行普免天下漕糧一次俾藏富於民共享盈寧之  
福所謂斂福錫民慶莫大焉其開科事宜著交禮  
部查例辦理其各省漕糧應如何分年輪免之處  
著交戶部詳悉妥議具奏將此通諭中外知之

四十四年八月

萬壽聖節

上駐蹕避暑山莊

御澹泊敬誠殿扈從王以下文武大臣官員暨藩部  
蒙古王公台吉等行慶賀禮在京王公大臣  
於

乾清門庶官於

午門行禮至五十四年皆如之己巳奉

諭旨前因江浙督撫等以兩省臣民望幸奏請巡關

河工海塘已降旨允於庚子春正月諏吉南巡至  
所稱明歲為朕七旬萬壽欲就近申祝則斷乎不  
可業經宣諭飭禁蓋朕本意原以庚子為朕七旬  
誕辰辛丑即

聖母九旬萬壽連歲疊逢大慶中外騰歡自可聽其  
抒誠祝

擬今既不能遂朕初願朕復何心為已稱慶惟念士  
民想望恩澤積有歲年因詔開鄉會恩科並豁免  
各省漕糧一週以洽羣悃明年南巡迴鑿後俟



北郊禮成即啟程幸避暑山莊駐蹕八月慶辰一切仍照常年例行若在京受賀惟恐轉多振觸遂至山莊以避之至於西藏班禪額爾德尼豫請覲祝寶屬吉祥盛事是以允其前來即令於山莊瞻謁俾從其便朕並非因其稱祝先期往就之也恐內外臣工尚未能深喻朕意仍有以慶典為請者非惟不能博朕之悅適以增朕之懷又豈臣子愛敬之道乎俟朕八旬大慶則當聽從諸臣稱祝此次必不允行又前屆朕六旬萬壽時古北口熱河兩

處曾有點綴段落燈綵之類本屬朕所不取明年  
尤當嚴禁將此再行通諭知之 四十五年

聖壽七旬正慶正月元旦

上御太和殿王以下文武大臣官員暨外藩使臣等  
進表行慶賀禮

頒恩詔中外禮成復

御太和殿賜王公臣工等宴三月癸未奉

諭旨前以庚子年為朕七旬萬壽恐內外臣工欲申  
祝嘏屢經宣諭飭禁此次南巡回鑾後一俟

北郊禮成即啟程幸避暑山莊各督撫等斷不必前來稱祝恐外省督撫不能仰體朕懷因七旬萬壽欲取九九之義購備貢品誇多闕靡甚至力有不逮而隨衆效尤勉為充數尤屬不必各省督撫身任封疆惟當大法小康奉公勤職副朕委任本不當以進奉見長著再傳諭各督撫今年八月慶辰一切仍照常例若借七旬萬壽為名多事繁文以中媚茲之困不但為朕所不取且現經降旨令奏事處屆期遇有多進貢物著一概不准接收諸臣

其善體朕意毋得藉詞請覲致增繁費轉滋擾漬  
將此通諭各督撫知之 四十六年正月元旦

上御太和殿王以下文武大臣官員暨外藩使臣等

進表行慶賀禮如儀前儀具編具十二月庚辰奉

諭旨明年元旦係上辛祈穀齊戒日期所有元旦應  
行拈香各處仍親詣行禮初五日升殿受賀 四

十七年正月壬寅

上御太和殿王以下文武官員暨外藩使臣等進表

行慶賀禮如儀前儀具編具四十八年正月元旦

上御太和殿王以下文武官員暨外藩使臣等進表

行慶賀禮如儀

儀前編

四十九年如之

五十

年正月元旦

上御太和殿王以下文武官員暨外藩使臣等進表

行慶賀禮

頌恩詔中外禮成復

御太和殿賜王公臣工等宴十一月甲辰奉

諭旨明年元旦日食著停止朝賀筵宴所有救護典

禮著該衙門敬謹豫備

五十一年正月元旦傳

止

御殿受賀十二月乙丑奉

諭旨據總管內務府大臣奏乾隆五十五年朕八旬萬壽請循照前例諸王內外大臣虔造無量壽佛延禧祝嘏等語因思朕六旬七旬萬壽該管大臣俱先期奏請成造佛像以伸慶祝維時朕恭侍

聖母皇太后慈闈凝禧篤祐內外臣工共抒忱悃是以俯允所請藉用承

歡錫慶茲因朕八旬之慶先期備辦非朕所喜且迴

思益增悵然朕仰邀

昊眷年逾古稀康強勤政惟期日慎一日敬迓

鴻庥以俟八旬有五之歸政朕一人之福即億兆臣  
民之福又何必循用具文徒滋繁費乎所有該管  
大臣等奏請成造佛像之處著不必行 五十二

年正月元旦

上御太和殿王以下文武官員暨外藩使臣等進表  
行慶賀禮如儀儀具前編至五十四年皆如之八

月大學士等奏五十五年庚戌恭屆

聖壽八旬溥海臣民詠

德懷

仁情報祝

嘏伏乞

俯俞所請以慰輿情其應行典禮下部議行得

旨王公大臣及直省將軍督撫大吏等以乾隆五十

五年朕八旬萬壽額請舉行慶典豫祝蕃釐覽奏  
具見誠悃著照所請於五十五年舉行萬壽典禮

丁未奉



諭旨朕寅紹鴻圖仰承

昊春臨御五十餘年壽躋上耄五世一堂錫光篤慶  
介景延禧允為史冊罕覲昇平盛瑞茲王公大臣  
及直省將軍大吏等以乾隆五十五年朕八旬萬  
壽額請舉行慶典豫祝蕃釐覽奏具見誠悃前此  
朕七旬慶節內外大臣奏懇恭祝萬壽朕以徒增  
靡費未俞所請今內而王公大臣外而將軍督撫  
大吏以朕壽屆八旬臣工身際昌期久承渥澤感  
激懼忤出自積誠朕若仍不允准無以申臣下臆

懽祝嘏之願轉似近於矯情且載稽前史三代以後帝王克享大年莅國最久者不過六君其年逾八旬者僅梁武帝宋高宗元世祖三君而其在位不過三四十年若朕躬膺上壽海宇又寧親理萬幾孜孜不倦五十餘年如一日者實古所未有此皆朕仰賴

上天嘉佑

列祖垂庥用能膺受純熙康疆逢吉允宜光昭盛軌  
以答

吳貺而洽輿情著照所請於五十五年舉行萬壽典禮所有一切儀文俱照從前率天下臣民恭祝聖母皇太后六旬七旬八旬

萬壽慶典之例備辦毋得稍有加增致滋糜費若內外臣工等不能仰體朕意惟務踵事增華鋪張過甚轉非至誠愛戴之心逮時朕亦必不受也至此次慶節率土歡騰宜特沛殊恩以光鉅典所有應行加恩各事宜著內閣及軍機大臣擬開條款進呈候朕酌定另降諭旨 五十三年三月乙亥奉

諭旨上年八月王公大臣及直省將軍督撫大吏等  
以乾隆五十五年朕八旬萬壽籲請舉行慶典朕  
因王公內外大臣等身際昌期久承渥澤臚歡祝  
嘏出自積誠且朕自臨御以來親理萬幾孜孜不  
倦五十餘年如一日茲仰荷

上蒼眷佑

列祖垂庥膺受純熙錫光萬慶躬躋上壽五世一堂  
實古所未有允宜光昭盛軌以答

景貺若郤而不行轉覺矯情是以特俞所請並恐王

公內外大臣等過事鋪張業經諄切諭令祇照  
聖母皇太后六旬七旬八旬

萬壽慶典之例備辦毋得稍有增加現在王公內外  
大臣等因朕俯允所請踴躍歡忭亟欲抒誠其應  
備儀文典禮甚鉅若不專派大臣董理其事恐承  
辦之員未喻朕意仍不免踵事增華致滋繁費非  
所以體朕嘉與諸臣効誠獻悃之心也所有五十  
五年萬壽慶典各事宜著派阿桂和坤劉墉福長  
安胡季堂金簡李紱伊齡阿總辦以期經理得當

用光鉅典 五十五年正月元旦

上御太和殿王以下文武官員暨外藩使臣等進表  
行慶賀禮

頒恩詔中外禮成復

御太和殿賜王公臣工等宴庚戌奉

諭旨朕本年八旬萬壽寰宇膺歡薄海內外臣民咸  
深慶忭即在屬國藩封或親赴闕廷或遣使叩覲  
無不兢趨王會杼悃祝釐外省將軍督撫都統提  
鎮藩臬等官自必情切葵傾盡思瞻覲第念各省

文武大吏職守綦重若同時並赴恐地方營伍事務管理乏人或貽誤轉非敬事効忱之意朕於各省將軍督撫副都統提鎮藩臬內每省各酌派二三員均於八月初五日以前到京並各酌帶道府丞倅將備二三人隨同班列其未經派令來京者毋庸紛紛籲請庶各省文武官員既得遂其祝嘏之誠而於本任職司要務又可不虞曠廢方為妥善將此通諭知之二月戊辰又

諭朕披閱康熙年間

萬壽盛典恭載

聖祖仁皇帝六旬萬壽時各省老民多有來京慶祝者今朕壽屆八旬普天同慶薄海臣民咸深忭舞朕恐外省文武大員紛紛籲請是以每省的派二三員並令各帶道府丞倅將備等官來京以遂其祝釐瞻覲之忱至各省耆民人等雖未降旨准其赴闕而草野情殷葵向思欲遠來効悃祝延萬壽者各省想亦不少朕思年老之人正須頤養長途跋涉未免辛勤或因不服水土偶生疾病轉非體



恆高年之意不但外省地方道路遙遠不便前來  
即順天直隸老民僻處鄉隅亦不必齊赴京師以  
示體恤前已於恩詔內令查明各省耆民費以品  
職銀物溥被恩施茲特再降諭旨著各督撫轉飭  
地方官出示曉諭凡欲來京慶祝之老民等俱著  
不必前來以副朕安老引年至意將此通諭知之

七月壬寅

上自避暑山莊迴鑾戊申

駕至圓明園大駕鹵簿預陳於大東門外騎駕鹵簿

由前屯鼓吹導引

上還圓明園先是禮部奏請於

萬壽月初一日起中外大小臣工穿蟒袍補服一月

得

旨萬壽慶節著於八月初一日起至二十一日王公

百官穿蟒袍補服八月戊午

召見皇子皇孫大臣等宣示

聖製四得論四得續論二篇

論恭載後卷并奉

諭旨本年為朕八旬壽辰內外臣工情殷祝嘏願請

舉行慶典用抒慶忭之忱所辦工作點綴朕尚未  
經寓目昨詣恩慕寺永寧寺拈香始見道旁點景  
處所過於繁費臣工等因屬競効臚歡而踵事增  
華不但以為善朕心轉覺不安朕臨御五十五  
年海寓昇平太和翔洽幅員廣拓夷裔咸賓朕躬  
壽躋八旬精神強固曾元衍慶五世同堂凡茲備  
福克膺皆賴

昊蒼篤祐朕惟自慚薄德兢業彌深不敢以景運之  
增隆遂謂

天人之協應是以勤求宵旰敬念庶徵惟日孜孜常  
懷寅畏日思仰酬

鴻貺非故示謙沖本年自七月而後藩部君長等祝  
釐入覲雖設樂賜筵朕心不遑暇逸惟懼稍廢政  
務即本日距萬壽之期不過三日猶復披覽章奏  
召見大臣寧以時際隆平遂敢謂豫大豐亨侈然  
自足耶且辦理慶典從前因恭遇

聖母皇太后萬壽大慶合萬國之歡心躬致孝養娛  
侍

慈寧茲朕年已登八袞猶以不及恭慶

皇考六旬暨

聖母皇太后九旬為憾撫今追昔愴然於懷方深感  
慕今歲雖循例舉行慶典難卻臣民之請實不忍  
以幸值慶辰遠思行樂也即如所演大慶戲劇原  
係

皇考恭祝

皇祖萬壽舊本從前

聖母皇太后五旬六旬七旬八旬萬壽慶節朕屢加

增改絲舞稱觴現今皇子大臣等雖有進呈樂章  
以其詞過頌揚亦祇節其靡文並未加之潤色朕  
之崇實黜浮不肯稍事鋪張於茲可見再平日與  
建工程廟宇皆係經營規制嚴肅觀瞻可以垂諸  
永久猶嘗引以為過著之論說若此次點景綴設  
不過塗飾一時聊以娛目更為無益繁文幸荷  
上天恩佑彌月晴明設或連遇風雨豈不徒耗物力  
今已成事不說未便全行裁撤仍著該管大臣將  
一切絲飾量為減省以示朕式靡崇儉至意將此

通諭中外知之庚申

上自圓明園進宮乘禮輿大駕鹵簿豫陳於西華門  
內以至隆宗門祇候騎駕鹵簿前導於常用  
導迎樂外恭集

聖製詩句為

萬壽衛歌三百章

衛歌具載  
萬壽盛典

隨路分班合奏

駕入大內於

重華宮張樂稱慶十三日辛酉恭屆

萬壽正誕鑾儀衛陳

法駕由薄於

太和殿前步輦於

太和門外五輅及馴象仗馬均於

午門外樂部設中和韶樂於

太和殿檐下丹陛大樂於

太和門內設表案於

太和殿內東極次禮部官捧進賀

萬壽表文恭陳案上鴻臚寺官引和碩親王以及入

八分公暨安南國王在丹陛上文武各官在



丹墀內朝鮮安南南掌緬甸使臣等於西班  
末均按班排立屆時禮部堂官奏請

皇上具禮服乘輿出宮

皇上御中和殿鴻臚寺官引內大臣侍衛等按班不  
贊行三跪九叩禮禮部堂官前引

皇上御太和殿中和韶樂作奏乾平之章

皇上升座樂止鑾儀衛官贊鳴鞭階下鳴鞭三鳴贊  
官贊排班丹陛大樂作奏慶平之章鴻臚寺

官引王以下百官暨安南國王朝鮮南掌緬

甸使臣等按班排立鳴贊官贊進跪贊宣表  
宣表官從黃案上捧表至殿簷次正中大學  
士二人左右跪展表樂止宣訖仍奉原案上  
退鳴贊官贊叩興王以下百官暨安南國王  
朝鮮南掌緬甸使臣等行三跪九叩禮鳴贊  
官贊退王以下百官暨安南國王朝鮮南掌  
緬甸使臣等退復班次樂止王以下入八分  
公以上並滿漢大學士進

殿列班行一跪一叩禮坐

皇上進茶王公大學士等各於生次行一叩禮仍就坐侍衛等進前分

賜王公大學士等茶各於生次行一叩禮飲訖復行一叩禮起立鑾儀衛官贊鳴鞭階下鳴鞭

三中和韶樂作奏太平之章

以上樂章如常朝其會典

皇上啟座乘輿還宮先是宮殿監設中和韶樂於乾清宮檐下丹陛大樂於

乾清門內屆時奏請

皇上御內殿受賀行禮如儀

儀具是日前編

皇上受賀禮成

御乾清宮壽宴

皇子皇孫皇曾孫皇元孫等以次綵舞敬獻

萬萬壽之觴奏綵舞樂十八章其樂章曰

皇帝萬萬壽

福如大海源亭育德恩普熙和暢八埏章一歲維庚戌

恭遇

八旬神人祝嘏

天庥益臻章二洞開九重辟公呼

嵩祥光卷  
露歌舞攸同三章敬

天勤民歲書大有

萬壽無疆山岳悠久四章文光炳二曜武烈宣萬方義

正仁以育遐邇胥來王五章

宴千叟兮嘉麗眉

賜筇杖兮拜鴻施  
臚歡介祉兮叩

彤墀羣登

壽寓兮祝

蕃釐

六章

篤天潢

錫章服燦五采親九族本支百世感

殊恩歡洽羣情益敦睦軼

臨雍釋菜文教振興人材樂育為

國之楨軫輯四庫書譽髦鼓舞

惠茲毓林上下今古軌修大藏分譯金經廣善緣分

福羣生

慈雲布護兮光晶瑩和風甘雨兮彌八紘軼藩王部

長成來賓遐荒重譯職貢陳依

光景

化同尊親赤子之慕中外均十一章緬甸來歸

恩施情覆

錫賚駢蕃奔走先後十二章生番向化傾心太平

恩浹肌髓感畏惟誠十三章

聖人久照

福綏綿綿吉祥屢臻億萬斯年十四章慶承

天貺祥徵滋至載衍九疇

祚延萬世十五章御雲輿光華復旦於萬斯年久道

成如松柏茂如升恒章十六子孫曾元戲綵舞  
壽而康兮備純嘏歲歲年年兮

福履增

天地合德同博溥章十七中和樂舞邁韶韻普天率土

懽同聲慶

萬壽兮第祿膺受

天佑兮莫不承章十八

壽宴禮成

幸寧壽宮於閔是樓張樂稱慶甲子



上還圓明園乘禮輿大駕由簿豫陳於

御園宮門外祇

前 五十六年正月元旦

上御太和殿王以下文武官員暨外藩使臣等進表  
行慶賀禮至五十九年皆如之八月

萬壽慶節

上駐蹕避暑山莊

御澹泊敬誠殿扈從王以下文武大臣官員暨蒙古  
王公台吉等行慶賀禮在京王公大臣於

乾清門庶官於

午門行禮至六十年皆如之 五十九年十二

月己巳奉

諭旨明年元旦詣

堂子行禮還宮時尚在日未食之前不應作樂 六

十年正月元旦日食停止

御殿受賀

嘉慶元年正月元旦

皇上受寶禮成恭侍

太上皇帝還宮

御太和殿王以下文武大臣官員暨外藩使臣等  
進表行慶賀禮至四年皆如之十月初六日  
萬壽節

皇上奉

太上皇帝御圓明園正大光明殿

躬率皇子及諸王貝勒以下文武大臣官員各按  
班次行慶賀禮恭俟

太上皇帝還宮

上在勤政殿西書房少坐禮部奏請

御正大光明殿皇子及諸王貝勒以下文武大臣  
官員仍各按班次行慶賀禮至三年皆如之  
十一月禮部疏請冬至次日

皇上御殿受賀得

旨著照向例停止至五年皆如之 四年十月  
萬壽節停止朝賀五年如之 五年正月元旦停  
止

御殿受賀六年如之 六年十月

萬壽節

上御圓明園正大光明殿皇子及諸王貝勒以下  
文武大臣官員各按班次行慶賀禮每年皆  
如之十一月冬至次日

上御太和殿王以下文武大臣官員進表行慶賀  
禮如儀儀具前編七年正月元旦

上御太和殿王以下文武大臣官員暨外藩使臣  
等進表行慶賀禮每年皆如之十一月冬至  
次日免行禮至十一年如之

國朝宮史續編卷之十四

典禮八 盛典八

皇帝萬壽元旦冬至三大節慶賀儀

高宗純皇帝聖製文

古稀說

余以今年登七袞因用杜甫句刻古稀天子之寶其次章即繼之曰猶日孜孜蓋予宿志有年至八旬有六即歸政而願志於寧壽宮其未歸政以前不敢弛乾惕猶日孜孜所以答

天庥而勵已躬也正壽之慶羣臣例當進獻辭賦於是彭元瑞有古稀之九頌既以文房等件賜之以旌其用意新而遣辭雅願一再翻閱頗有不得不為之說以申予意者其詞曰

古人有言頌不忘規茲元瑞之九頌徒見其頌而不見其規在元瑞為得半而失半然使予觀其頌洋洋自滿遂以為誠若此則不但失半又且失全予有肯如是夫由斯不自滿歎然若有所不足之意充之以是為敬

天之本必益凜旦明毋敢或渝也以是為法  
祖之規必思繼

前烈而慎聰聽也以是勤民庶無始終之變耳以是  
典學為實學以是奮武非蹟民以是籌邊非藝空以  
是制作非虛飾若夫用人行政旰食宵衣孰不以是  
為慎修思永之樞機乎如是而觀元瑞之九頌方且  
益深予臨深履薄之戒則其頌也即規也更惓思之  
三代以上弗論矣三代以下為天子而壽登古稀者  
統得六人已見之近作矣

自三代以下帝王年逾七十者漢武帝梁高祖唐明



皇宗高宗元世祖明太祖凡六帝昨七旬慶典  
詩有七旬屈指數今古六帝因心驗法德之句 至夫  
得國之正擴土之廣臣服之普民庶之安雖非大當  
可謂小康且前代所以亡國者曰強藩曰外患曰權  
臣曰外戚曰女謁曰宦寺曰奸臣曰佞倖今皆無一  
彷彿者即所謂得古稀之六帝元明二祖為創業之  
君禮樂政刑有未遑焉其餘四帝予所不足為法而  
其時其政亦豈有若今日哉是誠古稀而已矣夫值  
此古稀者非  
上天所賜乎

天賜古稱於予而予設弗以敬承之弗勵慎終如始  
之志以竭力敬

天法

祖勤政愛民古云適百里者羊九十里粟粟危懼誠  
恐耄荒而有所隕越將孤

天恩予又何敢如是然則元瑞九頌有裨於予者大  
焉故為之說如右羣臣獻辭賦者甚夥大約不出於  
元瑞之九頌予將以是說槩之則所為有頌而鮮規  
者亦畢視之為進規而非膏頌矣

四得論

昨自避暑山莊迴至御園之作有慚愧德無稱四得之句蓋引而未發茲乃敘而論之

夫子思引孔子之言以為位祿名壽胥因德而得之則知有德而得之者為實無德而得之者為虛若予無其實而而其虛其慚愧可勝言哉蓋予之位

天地之所命

祖宗之所授無是二者予因何而得之亦為栗栗危懼慮鰥厥官遑敢自詡其得以傲物哉至於祿則九

寓所同仰萬民所共奉豈啻十日十手之視指哉毫  
釐之失謬以千里威福玉食一涉私欲之作必致越  
其始而隕其終能常保其得手若夫名為實之實實  
則實之主也居九重之上臨百辟之尊孰不以虛言  
譽之即今八旬大慶之獻詞頌者不可俛指數則此  
名也豈其實乎雖文德武功微有實蹟之可稱然無  
一不由兢兢業業中所出且恐具其始而失其終得  
將不保敢自怡乎茲逮八旬不可不謂之壽然此壽  
乃

天地默佑

祖宗延禧予一人幸逢其會敢強顏以為有所致哉且予五十五年之間無一日因微疾而不理事者求仙素所鄙即醫理並不識亦惟慎起居節飲食以為養生之常道爾則又有何術之可得凡此四者皆予所得而實皆非德之所致也非德之所致則所謂有其名而無其實忸怩之不暇又何能蕪然自居而不疑方將慎半九十之懼孜孜矻矻以待五年之歸政可稱全人則惟敬待

天恩而不敢或必者耳著論自警並以示羣臣之獻詞頌者

四得續論

近作四得之論非自謙也蓋紀身之鮮實德與己之所實見耳然尚有未盡意者前論切乎已續論公天下抑亦有所獨重者耳

蓋中庸第十七章子曰至子孫保之而止所以戒為天子者保其位而已此皆夫子之言其下四得之釋意謂子思之語非夫子之語也以位言之易曰君子

思不出其位則君子之位也又曰聖人之大寶曰位則聖人之位也豈必曰天子之位乎堯舜禹有天子之德可謂得天子之位其餘皆不可謂得天子之位孔夫子有聖人之德可謂得聖人之位其餘皆不可謂得聖人之位也孟子所云故益伊尹周公不有天下其心未嘗不羨天子之位雖欲行其道之意耶然非至言也蓋益得益之位伊尹得伊尹之位周公得周公之位非不得也若孔子必無是語而朱子註子思此章直以為必受命為天子是亦孟子之遺意耳

予以為後世之亂臣賊子未必非此言有以啟之然此言非予言之他人不敢言也且自古至今無一代無天子是皆得其位者乎予不敢以得位自居實因德不勝而滋懼耳至於祿則自天子以至百辟卿士皆食祿者也盡其職乃可謂之得祿厥官不可謂之得而其本均不出於修德也王禹偁待漏院之記微見其端矣若夫名乃實之賓實者德之謂也無其實而有其名不滋愧乎三代以下惟恐不好名予謂此語亦未終而清流操室中之戈者非因名有以害之



乎壽則來來之氣數所不可強盜。雖壽而顏淵夭，盜  
雖可得壽乎顏淵，果不得壽乎古來盡節以終者，謂  
之不能得保其壽可乎。茲故申而論之，以戒後世之  
不務修其德而徒慕四得，以反致敗其德。且以靖天  
下後世之託聖賢之書，以妄興其欲，有所得之位之  
心，有位與無位之人，可不深思所以自處哉。

作是論時引用繫辭聖人之大寶曰位，蓋亦斷章  
取義耳。予之意則以天子有天子之位，聖人有聖  
人之位，分而言之，然亦非始予意也。蓋中庸上節

孔子之言德為聖人尊為天子已區而二之矣既而思之繫辭本文下即繼以何以守位曰仁何以聚民曰財理財正辭禁民為非曰義是則天子之事也似繫辭所指聖人即天子也然按諸經從無尊當時天子為聖人如後代所稱聖君聖主聖上者大禹謨乃聖乃神為益對舜稱堯之詞微子之命克齊聖廣淵為成王對微子稱湯之辭皆非稱當時天子也三代上君臣之際情親而語質無取乎頌語惟莊子華封人祝堯使聖人壽使聖人富

使聖人多男子為當時語堯固聖人也然則稱天子為聖人起於周秦之間亦如朕之字專為天子自稱乃昉自秦也十翼為孔子作不應繫辭有是語且上繫第十一章莫大乎富貴莫大乎聖人又分著矣歐陽修以擇之不精繁衍叢脞近於戰國後語疑十翼為雜取後世講師之說非孔子所作亦不為無見論成偶思及此并按於後

高宗純皇帝聖製詩

元正太和殿賜宴紀事二律 庚寅

征徇官兵振旅旋朱波懷畏靖蠻邊六旬大慶從羣

請

今歲逢服六十萬壽禮臣稽典請於元旦賜安先期具疏以聞

廿五君臨勵久虔

盛禮又周十年閱

自庚辰舉行慶典凡今歲紀一周

通班嘉許百工

聯底須給事陳祥按

見唐書禮樂志

實政勤祛虛瑞傳

晚晴傍午佈濃陰旋見祥花飄鬱森禮重農參而畫

會庚居辰過又寅臨試看雁詣還鱗萃詎在奉珪與

獻琛較量農占誠大吉

元旦日欲風日雲皆為上歲祥占是日正符嘉兆

垂衣南面倍生欽

八月十三日六旬慶典率內外王公大臣詣

慈寧宮行禮遂御殿受賀爰成長句示志

庚寅

慈寧愛日麗清暇晉拜躬侶近達藩重譯來王來賀

節

省中使臣入貢是日命隨班行禮

十年一度一臨軒

每歲詠辰幸在山莊逢大

慶始御殿受賀

六旬亦自尋常有萬壽微嫌慶祝繁久道斯

之化成未敬勤兢業最存存

元正太和殿賜宴紀事二律用旋轉韻體

庚子

十年一舉又逢庚元會應從舊典行午始辰循錦國

慶寅過子值沐

天榮桃符煥處宜春殿拍酒擎來獻壽觥數錫欵時

崇實政難竿矣命覃恩并

五位輪年十必過十成紀歲五常并

子政作時年二十有五每至紀

年過五州為旬度若紀年過十春秋又於建五紀注十五年庚午四時為壽五值五位輪年始舉元會共禮美五與十成較相合有不期然而然者既陳有所遊五十為壽詩序曾發明其美其子演天地之象所積者五十與古之大行自然符合頗為詳晰今歲庚子紀元四十五年正取七十為壽是於元也賜安并特頒恩詔象錫長民天庥以龍鱗旭朗青瑣聞雉尾春輝白獸觥黼黻元黃胥賀社飛潛動植總含榮行年七十知非合揆度吾惟凍後庚

八月十三日於避暑山莊行七旬度典即事成什庚

子

御殿庚寅禮未仍

每歲故長年在山莊庚寅禮未仍

度一臨軒之句今歲以下不能似庚寅年亦且於  
德字言行禮故不志御乾慶賀祇在山莊照帝例舉

山莊聊聽慶國陵七旬屈指數上今古六帝因心

驗法德

三代以後帝王享國年逾七旬者六帝漢武  
帝梁高祖唐明皇宋高宗元世祖明太祖其

中可法者惟元世祖明太祖耳然亦不  
能無流憾為其餘皆予所鄙以為長者北塞駢田朝

衆部西天歡喜祝神僧

班禪頭領他尼自後藏遠來  
慶祝各來古王公台吉雲爾

哈衛拉特等一聞其來無不歡  
忭踴躍定為我國家吉祥盛事宜言吉日弗言憾東

望

松齋懺不勝

正殿之左卽松齋爲昔年建萬壽節奉天行禮之處

初五日御太和殿行慶賀禮詩以紀事

壬寅

三元獻歲致齋誠五位撫辰慶典呈日德恰欣符歲

德

是日壬寅

禮行惟是奉

天行蟠生共沐陽交泰任養同靈物喜羸心所安銀

義以起

從前四次用次子者以詣不可闕今歲謹遵

宋朝慶賀禮未親慶賀禮

日行祈祝朝正慶賀於初五日

禮實協靈農宿志云 得遵

前訓重農耕

元正太和殿賜宴紀事二律

庚戌



宸參午會慶元正幸復決旬一舉行

庚午年四月始於元正協慶

大和統以統每五十年禮且符典先期春請自庚子至今歲庚戌入間十年慶全八歲七除至光元正相會依例舉行用洽奉

聖如

四十肇臻八成十年庚旋值戌

臨庚帝蒙

天眷為獨厚夕惕乾所戒盈和共百工承

錫羨難斯罷也矯予情

十五推年五十逢

子於二十五歲踐昨自後紀年逢五則為正壽紀年過十春秋又恰

建五五與十皆成數而今歲五十五年又值天地之數自然全備環相生不可思議

美蒼春佑於

子若有個  
厚者然 欽膺

天數惠偏鍾歸誠適豫正

平

而賀

廉

爾

在

西

歲

於

誠

適

於

歲內嘉平望開到京元正亦既班本行禮得時朝會典禮自必倍加欣幸

祝壽兼呈貢以

重

運郵本午位例貢之期專遣使臣並貴為壽貢品至朝鮮歲有慶祝例貢今歲因八旬萬壽復增貢

一分非重其物嘉其美兼之忱可謂明於大義

玉爵屠蘇百禮洽全執瑞霽

萬祥濃撫時幸值承平會泰九三思凜益恭

八月十二日進宮行八旬慶賀禮沿觀內外所備衛

歌卷舞自覺過常因成二律 庚戌

大慶未敢行 庚子

庚子七旬未允臣

民之請舉行庚

史冊罕聞如再揚情過却未免粗末悃誠

吳恩優錫浹重臻矯情可再求誠阻予壽願同萬姓  
均五十五年

天地數八旬八月誕生辰憑輿歷覽訝過當弗以為  
欣為愧頻

不惟夾路笙歌沸抑且蔽街樓閣羅增已慚翻心怵  
惕幸

天庥賜日晴和今早說字沿途羅列景承統陳我舟

可惜昨日風陰中今天氣清朗夫道難數詎知踵事

華如許昔年恭值聖母六旬七旬八旬大慶俱

自國明國王宮中陳設點綴皆博慈懼

今為子八旬慶典司事者姓事增年珠娘遇堂雖  
吉諭酌行減微然好為談論者保無違有後言且子  
方以不及恭慶望考六旬整聖母九旬為  
懽茲雖有情難却而視茲筆費不覺精益就快矣  
那免後言慈德慶典分明成闕典為君難識語非  
訛

臣  
等恭稽

實錄乾隆五年庚申十五年庚午為

高宗純皇帝三旬四旬聖壽正慶疊奉

聖諭以未屆應行祝嘏之時凡陳工陳請恭祝者概

却而弗許茲嘉慶四年

皇上四旬萬壽虔詣

壽皇殿展拜

神御罷舉朝儀伏讀

御製詩追述

恩諭垂訓倍深孺慕仰見

孝思之篤實昭

錫福之原謹依例備登

御製丙辰以來元旦

宸什為

盛典引中之始

皇上御製詩

丙辰元旦

玉律先春豐楙宣靈臺重紀丙辰年

乾隆建極億齡啟嘉慶承

恩萬福延紫禁蔥蘢凝瑞霧金鑪紛郁結祥煙渺躬

寅荷蒼生社欽若

皇哀格

上天

十月六日率王公大臣等

望父前行禮敬紀

緬憶慈孤始庚辰十月初子生於乾隆庚辰歲沐

恩實超古稱慶益慚予天丕冒行道無疆以歛薄初

願以弗克敦承是懼而事超昔古實史策所未有

今以初度之日夜常增錫登斯

香風裊玉除誕敷

仁壽宇率祝集簪裾

丁巳元旦

太和元會集冠裳萬國臚歡祝

上皇顧謨

天恩欽曰旦聰聽

父訓凜惟康成文慶洽春佳麗說文已者萬物彊圉

年占穀稔穰爾雅丁蕙績定功王教正楚點

已盡年前降苗時吳廷義以獻其見苗已格心

至教匪屢經勳洗現在各路兵力厚集交春捷

音計日雷可志擒音逆以

喜音疊至自南方旦

喜神正

戊午元旦



日啟三元淑霽新

天開人瑞值重寅

三統人生於寅今元  
旦位甲寅月丙寅日

幹占豐楙嘉

祥協支衍敦祥

德化均

漢書豐楙於戊寅  
正義敦盛也祥壯也  
言萬物盛壯也今上淵

乾隆三年戊午花甲又用太和翔洽豐美安敦  
同遊壽富樂我太平處壯之美通協吉年

矣

九襄迎禧膺景福

新年

望之聖壽八旬有八  
七代承兩歲為

九氣萬壽今春元孫葉錫屆成婚禮計普天  
同慶之年早得來孫六世同堂

親見八代真從

未父牌未有之盛事

十全贏績格愚民

各二次 望父平定全川 望父平定回部 望父平定回部 望父平定回部 望父平定回部 望父平定回部 望父平定回部 望父平定回部 望父平定回部 望父平定回部

各一次 之白蓮教

或功十全 望父平定回部 望父平定回部 望父平定回部 望父平定回部 望父平定回部 望父平定回部 望父平定回部 望父平定回部 望父平定回部

簡師搜勦 現存全

魚所獲指日停輪 績從此悉頑格化 永慶昇平

贏 延洪

曼壽朝正祝躬率嵩呼拜

紫宸

己未元旦

春開舊歲繼新年正始迎韶

福履駢庶物熙和敷里巷青陽洋溢遍垓垓

德純剛健人瞻

聖算衍期頤慶錫

天時憲乾隆六十四

九旬恩詔典逾前

明歲寅中

福凝

天行

望父

九旬

萬壽

頤

請舉行慶典已蒙

照六十年及乾隆五十五年

恩允

一切

鴻儀俱

照典

禮孫於今歲舉行

林以彰

思科

文武

杖

或嘉惠士

果運昌期寶

從古史冊所未有也

萬物庚庚玉燭調

法

天行健頌

神克燾徵瑞旭浮丹禁紉綬卿雲集慶霄小醜風移

歸正教

逆據悉於年春已將逆首羅其清擒獲  
解京各股匪徒俱已官處其冷天祿一

取被劫保團因既久不日即可就擒至張漢湖  
逃竄陝豫之間復被明亮等兩路兜截已成全  
魚州歌從此除逆安民  
同歸正軌守既始望  
名藩星拱賀王朝盡承

庭訓覃恩澤遍錫宸區

帝德昭

每歲新臨行慶六十餘年常如一日上年各  
直省耆稱上稔無事賦錫惟山東魯平一帶

同上年洗工積水上未全洞安藏蒙毫等處  
工積築宇未完旋其江蘇淮徐海等府州亦因  
濱臨湖河收戍不無少斂節經降旨分別  
給賑復念今春青黃不接之時民食或致  
拮据仍於春正賞給口糧展賑數  
月以期普運春祺同霽優渥

四十壽辰自紀

去歲承

恩旨

去歲在奉三無松行禮時蒙

賜

整壽卹

服陳設等項今祇餘向

壽皇殿

賜定帝冠

前望空辰拜四十年

父子至情一旦成虛矣

升香心敬告易服典

欽遵

欽查宮中舊制

二十七個月內遇萬壽正日

仍易

素服孺慕切一已

考慈佑萬民默祈

錫厚福速靖蜀秦塵

壬戌元旦

序啟青陽品彙新生寅留熟應昌辰

壬寅日履

端慶始三元集交泰咸亨百福臻歲美人安恩

編錫文修武偃俗還淳

上年發帑裁濬為直隸九十餘州縣民生籌畫

安外如恩製備梓衣散給其新正辰暇思例豫

於嘉平先發令百姓早洽至本日政變恭誦

又以雅交春令氣候尚寒加恩於通州三河薊

州遵化四州縣賞給梓衣二萬件於迺鑿後均

旬給散俾觀備開同慶溫飽至快楚地方早

此樂業安居共享太平之福  
太和上日臨朝

會旭麗果思寰宇春

癸亥元旦

珠杓斡運啟三陽福自

天來惠萬方癸揆敷春八極協亥茲成化六符昌履  
新之始兆民泰舉正於中庶事康年稔兵消成  
樂業彌殷勤敬報

高皇